
ОБОДЛИК ОДИМЛАРИ

Миллий хунармандчилигимизни янада ривожлантириш мақсадида ЮНЕСКОнинг Ўзбекистондаги ваколатхонаси ва бир қатор ҳамкор ташкилотлар томонидан Марғилон шаҳрида тўрт йилдан буён ўтказилиб келинаётган анъанавий “Атлас байрами” фестивалининг овозаси бутун дунёни тутгани рост.

Ҳар гал ушбу байрамга хорижий мамлакатлардан ташриф буюрадиган минглаб меҳмонлар қадимий ва ҳамиша навқирон Марғилонда амалга оширилаётган бунёдкорлик, ободончилик ишларини алоҳида эътироф этиб қайтишади. Бу йил бешинчи маротаба ўтказилиши режалаштирилаётган байрамга муносиб тайёргарлик кўриш мақсадида ҳозирданоқ шаҳримизда қизғин қурилиш, ободонлаштириш ишлари бошлаб юборилди. Хусусан, Б.Марғилоний кўчасида истиқомат қилувчи аҳоли яшаш уйларининг том қисми маҳаллий бюджет маблағлари ҳамда ҳомийлар томонидан айна вақтда тўлиқ қайта таъмирдан чиқарилмоқда. - Маҳалламизда жуда катта қурилиш-таъмирлаш, бунёдкорлик ишларини амалга оширишда беминнат кўмаklarини аямаётган вилоят ва шаҳримиз раҳбарларига мингдан-миг раҳмат, - дейди Б.Марғилоний МФЙ фуқароси Ғуломжон Самиев. - Хурсандлигимиздан бутун маҳалла-кўй, қўни қўшнилари жам бўлиб бугун ҳашарга чиқдик. Шундай эзгу ишлар устида бош-қош бўлиб турган барча инсонларнинг бошлари омон бўлсин илоҳим, шаҳримиз бунданда обод масканга айланаверсин!

2020-01-10 19:25:40